

SIYOSIY GEOGRAFIYA VA GEOSIYOSAT

Kobulova Dilorom

Andijon davlat pedagogika instituti talabasi

Karimova Muattar

Andijon davlat pedagogika instituti talabasi

Annotatsiya. Ushbu maqolada bugungi zamonaviy davrdagi eng dolzarb masalalarni o'ziga qamrab olgan siyosiy geografiya, geosiyosat sohasi shakllanishiga ta'sir qiladigan omillar masalasi yoritilgan. Bundan tashqari, maqola yakunida muallifning xulosa, takliflari keltirilgan.

Kalit so'zlar: siyosiy geografiya, geosiyosat, milliy manfaat, milliy rivojlanish, BMT, MDH, xalqaro, regional miqyosi, lokal miqyos, geografik muhit.

Аннотация. В данной статье освещается вопрос о факторах, влияющих на формирование области политической географии и геополитики, охватывающей наиболее актуальные проблемы современности. Кроме того, в конце статьи представлены выводы и предложения автора.

Ключевые слова: политическая география, геополитика, национальный интерес, национальное развитие, ООН, СНГ, международный, региональный масштаб, местный масштаб, географическая среда.

Annotation. This article covers the most pressing issues of the modern era, the factors influencing the formation of the field of political geography and geopolitics. In addition, the author's conclusion and suggestions are presented at the end of the article.

Keywords: political geography, geopolitics, national interest, national development, UN, CIS, international, regional scale, local scale, geographical environment.

KIRISH

Siyosiy geografiya turli geografik makondagi siyosiy tashkilotlar va ularning hududiy tarkibini o'rganishga asoslangan ta'limotidir. Olimlar siyosiy geografiyani 3 miqyosda o'rganishadi: xalqaro, regional yoki davlat miqyosi va lokal miqyos.

Davlat miqyosidan yuqorida siyosiy geograflar ko'plab davlatlarni qamrab oladigan Birlashgan Millatlar Tashkiloti kabi tashkilotlarni ham o'rganishlari mumkin. Davlat miqyosida esa olimlar davlat boshqaruv usulining qanday tashkil etilganligini ko'rib chiqishadi. Davlat miqyosidan pastdagisida geograflar, masalan, saylov okruglari chegaralarini o'rganishlari mumkin. Siyosiy geograflar, shuningdek, dunyo siyosiy jarayonlarida davlatlar rolining o'zgarishini ham o'rganishadi.

Siyosiy geografiya hozirgi bosqichda:

- dunyodagi mamlakatlarning davlat va jamiyat qurilishining bosh belgilari va xususiyatlari, mamlakatlarning ichki va tashqi siyosatining asosiy yo'nalishlari;

- mamlakatlarning siyosiy-geografik, ya'ni (geostrategik) mikro, mezo va makro holati, davlat chegaralarining, hududiy tarkibining shakllanish bosqichlari;
- mamlakatlar aholisining milliy, ijtimoiy, siyosiy, iqtisodiy hayotdagi roli va o'rnini;
- mamlakatlarning jahon hamjamiyatidagi, xalqaro siyosiy, iqtisodiy va nodavlat tashkilotlardagi o'rni, mamlakatlarning siyosiy maqsadlari va xalqaro munosabatlar tizimidagi ishtirokini tadqiq qiladi.

Siyosiy geografiya keng ma'nodagi ijtimoiy geografiyaning bir qismidir. U iqtisodiy, ijtimoiy-iqtisodiy va sotsial geografiya bilan bir qatorda o'zining alohida blokini shakllantirmoqda. Ushbu blokka harbiy va elektoral (saylovlar) geografiyani ham kiritish mumkin. Mazkur fan yaqinda vujudga kelmagan bo'lsada, MDH mamlakatlari shu jumladan bozor iqtisodiyoti sharoitida rivojlanib borayotgan O'zbekiston uchun ham yangi sanaladi. Ushbu fanning ayrim masalalari (masalan, siyosiy karta, davlatlarning siyosiy tuzimi va h.k.) iqtisodiy-ijtimoiy geografiyaning qator kurslarida ma'lum darajada yoritilgan bo'lsada, u, maxsus kurs sifatida o'qitilmagan.

Siyosiy geografiyaning tadqiqot obekti bo'lib hududiy siyosiy tizimlar xizmat qiladi. Uning predmeti esa muayyan mamlakat yoki butun jahon miqyosida jamiyatning siyosiy-hududiy tashkil etilishini o'rganishdan iborat. Shuningdek, bu fan davlatlar va ularning chegaralari (limologiya), davlat tuzumi, ma'muriy-hududiy tuzilishi, mamlakat doirasida siyosiy partiya va kuchlarning joylashishi, hududiy tarkibini o'rganadi. So'nggi yillardagi jahon hamjamiyati va geosiyosiy tizimidagi muhim o'zgarishlar hamda davlatlararo tashkil etilgan harbiy-siyosiy uyushma yoki ittifoqlar siyosiy geografiya tadqiqot predmetini yanada kengaytirmoqda.

Mazkur fanning tarixi ham ancha uzoq. Agar keng ko'lamda qaraydigan bo'lsak, uning vujudga kelishi dastlabki davlatlarning paydo bo'lishiga borib taqaladi, chunki siyosiy geografiya uchun davlat (demak, uning hududiy yaxlitligi, chegarasi, boshqarish tashkilotlari, harbiy va siyosiy kuchlari) asosiy mazmun kasb etadi.

Ammo siyosiy geografiyaning fan sifatida shakllanish tarixi uncha uzoq emas. Dastavval, siyosiy geografiya tushunchasi, ba'zi ma'lumotlarga qaraganda, XVIII asrning 20-50-yillarida Peterburgda (Rossiyada) xizmatda bo'lgan nemis olimlari G.V.Kraft va X.N.Vintsgeymmlar tomonidan tilga olingan. Ular ushbu tushunchani geografiya fanining bir qismi, tarixiy geografiya va statistika bilan aloqadorligini ta'kidlashgan. Siyosiy geografiyani haqiqiy fan sifatida shakllanishini esa ko'pchilik nemis geografi va sotsiologi Fridrix Fon Rattsel nomi bilan bog'laydir. U 1898-yilda Siyosiy geografiya nomi bilan kitob nashr etganligi uchun siyosiy geografiyaning otasi

deb tan olingan. Shu bilan birga Rattselning aynan mazkur asari tufayli shved olimi R.Chellen geosiyosat tushunchasini yaratdi.

Geosiyosat haqida mulohaza yuritishdan avval geosiyosat tushunchasi mazmun va mohiyati, ahamiyati, fan sifatida shakllanishi, o'qitishning zarurati haqida ma'lumotga ega bo'lish lozim. Bu fan orqali uning shakllanish bosqichlari asosiy kategoriyalari davlat kuch-qudratining shakllanishi, siyosat va geografiya fani orasidagi aloqadorlik haqidagi bilimlar egasi bo'lamiz. Bu fanni o'rganish jarayonida fanning rivojlanishiga, fan sifatida shakllanishida o'zini ulkan hissasini qo'shgan olimlar, siyosatchilar, geosiyosiy yo'nalishlar, oqimlar geosiyosatning rivojlanishidagi asosiy paradigmalari to'g'risida ilmiy ma'lumotlar olamiz.

Geosiyosat – turli siyosiy jarayonlarning geografik sharoit (muhit) ga bog'liq holda rivojlanishini o'rganadigan fandır. XX asrda dunyo siyosiy kartasining tubdan o'zgarishi, hududiy, ijtimoiy-ekologik va demografik muammolarning keskinlashuvi geosiyosat faniga bo'lgan e'tiborni kuchaytirib yubordi.

Geosiyosat fanini o'rganish geografiya, tarix, demografiya, etnografiya, dinshunoslik, ekologiya, sotsiologiya, harbiy fanlar, siyosatshunoslik va boshqa fanlar bo'yicha ham bilimlarga ega bo'lishni taqozo etadi.

Geosiyosat fani siyosiy geografiya asosida shakllandi va rivojlandi. Siyosiy geografiya jahondagi davlatlarning turg'un (statik) holatdagi tavsifini tuzish bilan shug'ullanadi. Siyosiy geografiyani ko'proq davlatlarning joylashishi, hududining shakli, o'lchamlari, chegaralari, xo'jaligi, aholisining savodxonlik darajasi, madaniyati qiziqtiradi.

Geosiyosat fani siyosiy jarayonlarning geografik makondagi o'zaro aloqalarini, ularning yerga va madaniy omillarga ta'sirini o'rganadi. Ushbu fan asosiy e'tiborini tabiiy muhit omillarni harbiy-siyosiy, iqtisodiy va ekologik xavfsilik maqsadlarida faol foydalanishga qaratadi.

Geosiyosat fanining o'rganish obyekti: sayyoraviy (planetar) makon, geosiyosiy jarayonlar va hodisalardir. Sayyoraviy makonga quruqlik, suvlik (Dunyo okeani), havo qobig'i, davlatlar va ularning resursdari kiradi.

Insoniyat tarixini geosiyosiy nuqtai nazardan geosiyosiy bosqichlarning yoki ma'lum bir kuchlarning navbatma-navbat almashinib kelishi sifatida qarash mumkin. Har bir geosiyosiy bosqich kuchlar muvozanatiga, ta'sir doirasiga va chegaralariga ega bo'ladi.

Geosiyosiy bosqichlarning rivojlanish jarayonida Vena geosiyosiy bosqichi o'ziga xos o'rin egalladi. Bu bosqich Vena kongressining (1814-1815-yy.) tuzilishi bilan xarakterlanadi. Buning asosi sifatida geografik hududni nazoratda tutish tamoyili olingan.

Mazkur bosqichda jahon kuchlari markazi sifatida Rossiya va Avstriya-Vengriya imperiyasi, Britaniya kolonial imperiyasi, Germaniya imperiyasi (1871-yildan), XIX asrning o'rtalaridan jahon kuchlari markazi sifatida Fransiya o'zini namoyon eta boshladi. 1877-yildan boshlab Turkiya sulmoni Usmonli turklar imperatori maqomini qabul qildi.

Bu bosqichda yirik geosiyosiy markazlarning harbiy, siyosiy va boshqa ko'rinishdagi nizolari, bir markazning rivojlanishi (AQSh, Germaniya) yoki, aksincha, parchalanishi, yoki ta'sir doirasining pasayishi (Rossiya, Ispaniya) kuzatiladi.

Bu bosqichdagi eng yirik siyosiy voqealardan biri ikkita yirik ittifoqning shakllanishi hisoblanadi. Birinchi ittifoq Uchlik ittifoqi hisoblanib, unga Germaniya, Avstriya-Vengriya va Italiya kirgan edi. ikkinchi ittifoq Atlanta hisoblanib, unga Fransiya, Angliya va Rossiya davlatlari birlashgan edi.

XULOSA

Xulosa o'rnida shuni takidlash joizki, geografik determinizm (sababli bog'lanish) an'anaviy geosiyosatning negizini tashkil etadi. Geosiyosatda g'arbparastlik mayllari yetakchi bo'lib keldi. Ikkinchi jahon urushidan keyin shakllangan ikki qutbli dunyoda ham ovropoparastlik mayllari kuchli bo'lgan holda, Osiyoda ham yetakchi markazlar paydo bo'layotganini tan olishga to'g'ri keldi. XXI asr mag'lubiyatlar, muvafaqqiyatlar bilan birga yangicha muammolar asri, ogohlantirish asri bo'lib tarixda qoladi.

Foydalanilgan adabiyotlar ro'yxati:

1. Abdullaev O. Iqtisodiy geografiya va ekologiya. - Namangan, 2002. - 296 bet.
2. Komilova N. Tibbiyot geografiyasining nazariy va amaliy masalalari. – T.: Sharq, 2015. - 264 bet.
3. Soliev A. Iqtisodiy geografiya: nazariya, metodika va amaliyoti. Tanlangan asarlar / mas'ul muharrir: O. Ata-Mirzaev. – T.: — Kamalak, 2013. - 184 bet.
4. Soliev A. O'zbekiston iqtisodiy va ijtimoiy geografiyasi. – T.: Universitet, 2014. - 404 bet.